



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვირსალაძე ელისო კონსტანტინეს ასული



ე. ვირსალაძე

ვირსალაძე ელისო კონსტანტინეს ასული (დ. 14. IX. 1942, თბილისი), პიანისტი. საქართველო (1974) და სსრკ (1989) სახ. არტისტი. შოთა რუსთაველის

სახ. სახელმწ. პრემიისა (1983) და ზ. ფალიაშვილის სახ. პრემიის (1991) ლაურეატი. ა. ვირსალაძის შვილიშვილი და მონაფე. 1964 დაამთავრა

თბილ. ვ. სარაჯიშვილის სახ. სახელმწ. კონსერვატორია.

ასპირანტურის კურსი გაიარა მოსკ. კონსერვატორიაში (ხელმძღვ. პროფ. ი. ბაკი). ვ-ის ხელოვნებამ ფართო საერთაშ. აღიარება მოიპოვა. იგი თანამედროვეობის ერთ-ერთი გამოჩენილი მუსიკოსია. ვ-ის შესრულება გამოირჩევა უმაღლესი მუს. კულტურით, ვირტუოზული ტექნიკითა და არტისტიზმით, მისი რეპერტუარი ფართო და მრავალფეროვანია. გასტროლებს მართავს მსოფლიოს მრავალ ქვეყანაში (აშშ, ინგლისი, ჩეხოსლოვაკია, პოლონეთი, გერმანია, ბულგარეთი, იტალია, იაპონია, არგენტინა და სხვ.). არის მსოფლიო ახალგაზრდობის ვენის მუს. ფესტივალის ლაურეატი (1959). მოსკ. სა-კავშ. (1961, III პრემია) და პ. ჩაიკოვსკის სახ. საერთაშ. (1962, III პრემია) კონკურსების, აგრეთვე ცვიკაუს (გდრ) შუმანის სახ. საერთაშ. კონკურსის (1966, I პრემია) ლაურეატი.



1967-იდან ვ. პედ. მოღვაწეობას ეწევა მოსკ. კონსერვატორიაში. არის მოსკოვისა (1979-იდან) და მიუნხენის (1995-იდან) კონსერვატორიების პროფესორი, ფლორენციის სამუსიკო სკოლის პედაგოგი (2010-იდან პროფესორი). მისი ინიციატივით 1982 დაარსდა ქ. თელავის მუს. ფესტივალი „ქება ვაზისა“ (გაიმართა ხუთჯერ, განახლდა 2010-იდან).

მინიჭებული აქვს ხელოვნების ქურუმის წოდება (2013); დაჯილდოებულია ბრწყინვალეების ორდენით (2017).

ლიტ.: ელისო ვირსალაძე - Eliso Virsaladze - Элисо Вирсаладзе /შემდგენელი და რედაქტორი მ. ახმეტელი/, თბ., 2012; ტ ო რ ა ძ ე გ., ელისო ვირსალაძე, თბ., 2012; А л е к с а н д р о в Б ., Элисо Вирсаладзе, «Советская музыка», 1971, №10; Ц ы п и н Г., Портреты современных пианистов, М., 1982

გ. ტორაძე
